

脾胃瀉 痢 喘 癩狂痿 崩中

血枯遺精 便閉痺瘖 疝瘕 喉痺

水腫胃痛 心痛厥 頭痛 霍亂 腰痛

目痛脇痛 齒痛耳聾疫 鬱 熱中

引經證醫

桐城黃雲

書簽



亨

引經證醫卷之二

新安汀茵程樑著 門人潤生葉萱校訂

崇川詠樓沈鏐參閱

雒水棣軒姚黻參校

脾胃

客曰嘗聞脾胃居中主司升降胃以降為順脾以降為逆於理信乎
曰胃者腑也戊土陽宮也天氣治之故天氣主降脾者臟也巳土陰
宮也地氣治之故地氣主升天氣下降地氣上升以昭其常也是以
經曰夫胃大腸小腸三焦膀胱此五者天氣之所生也其氣象天故
寫而不藏又曰腦髓骨脉膽女子胞此六者地氣之所生也皆藏於

五
甲申
自
新
橋

一
經
證
醫
卷
二

陰而象於地故藏而不寫是以胃以降爲順脾以降爲逆也曰飲食入胃何以傳化乎曰脾之與胃隔膜相連耳水穀入胃賴脾之磨腐傳佈也其秘之輕清者歸於上行其秘之重濁者歸於下降由此而輕清之精氣分而入營分而入衛以貫五臟以通六腑潤肌肉澤皮膚是以胃能行氣於三陽脾能行氣於三陰也故經曰食入於胃遊溢精氣上輸於脾脾氣散精上歸於肺通調水道下輸膀胱水精四佈五經並行合於四時五臟陰陽揆度以爲常也卽此之謂也曰胃爲水穀之海六腑之大源不能自溢精氣於各經必因於脾而爲其傳佈何也曰經謂脾爲孤臟常着胃土之精也蓋脾胃爲表裏之臟雖由戊土而化必由巳土而生也是以脾氣散精上歸於肺而肺奉

生焉由肺下輸膀胱而腎奉生焉水精四佈而肝木奉生焉由木而生心然後五經并行合於四時五臟陰陽揆度爲常由此而生而化而長而成曰何以謂之營衛也曰經謂營者水穀之精氣也和調於五臟灑陳於六腑乃能入於脉也故循脉上下貫五臟絡六腑也又曰衛者水穀之悍氣也其氣慄疾滑利不能入於脉也故循皮膚之中分肉之間熏於膏膜散於胸腹逆其氣則病曰何以謂之逆也曰經云血氣者喜溫而惡寒蓋得溫則滑利得寒則凝塞凝塞卽逆也逆之故病生焉曰脾胃之喜惡何如曰脾欲緩甘味是脾之所喜也脾惡濕瓜果寒冷以及濕地濡衣是脾之所惡也曰方書所謂過中不治何也曰此爲損者言也或自下先損於肝腎或自上先損於肺

心延及脾胃更失其生化之源或上爲嘔逆或下爲注瀉迨至肉脫形消皮膚見着垂死之徵也曰何以謂之皮膚見着也曰經謂皮膚着者死蓋言皮着骨形瘦之極也曰如虛怯一症何不預求之脾胃乎曰古人原有隔一隔二隔三之治有繆刺之方詎知世每於調治下元之症泥於苦味堅陰而於脾胃一關不肯加察更有執拘土旺防其尅水之見竟無從以破其牢者不知三陰三陽之精氣本乎中州之生化而灑陳若能胃氣尙存猶可持之以圖補救如見胃氣告竭雖有伎倆安望春回繆氏之雙補丸誠後學之津梁也豈舉世而無知已乎

瀉

客問曰脾胃使人瀉何也曰有虛實之不同有內因外因之頓異客曰願聞虛實內因外因之理曰虛者脾虛也實者脾實也脾不自虛虛於飲食不節寒熱不均客曰何也曰經謂水穀之寒熱感則害於六腑脾不自實實於六淫之邪客曰何也曰經云天之邪氣感則害於五臟故各有虛實之不同也客曰有朝食暮瀉暮食朝瀉者何也曰此因命門火衰不能生土土已失其化源以致不能磨腐水穀化糲粕轉味而出入卽經所謂少陰之厥下瀉清是也曰有病殮瀉者何氣使然曰經云久風爲殮瀉蓋因風邪久襲於脾絡風爲木氣所

化木能尅土土受其制致失其治而殮瀉之症成矣客曰虛者之瀉何以爲治也曰節其飲食適其寒溫佐以甘溫培土之劑如六君子雞內金等湯以及八珍膏之類合入甘守之法權衡於脉証可也曰虛者之瀉吉凶何如經曰漿粥入胃瀉注止則虛者活其不止者自可知也曰實者之瀉何以治之曰求其感於何邪各因其邪而刺之邪去則脾胃安和不治瀉而瀉斯止矣曰瀉清何以爲治也曰經謂清者溫之如前卷補火丹合入桂附乾薑故紙之類並合入升提之法可也曰參以升提之法何也曰經謂下者舉之曰舉之何以曰如朱氏之補中益氣湯以及醒脾煎皆可酌用也曰有用此法而瀉不止者何也曰是脾氣虛甚不爲守也經曰倉廩不藏是門戶不要也

得守者生失守者死蓋謂臟者主藏而不瀉土乃萬物之母生生之本寄旺於四季以灌四傍而成化育今土氣敗壞既已如斯以致幽闕二門有開無闔卽經所謂潰潰乎若壞都汨汨乎不可止之象也尙安望其成化工而有萬物乎故曰臟者藏也宜藏不宜瀉也

痢

客問曰痢疾多起於初秋何也曰四時亦有之惟入秋較多也曰願聞入秋較多之故曰夏傷於大暑暑必挾濕遺留於皮膚腠理之中迨至入秋無從外達客曰何也曰經云審平之紀其化繁歛其政凝肅暑濕之邪熱旣不得外越必奉下肅之令下歸於大腸大腸積疊

十六曲勢難速下况濕乃粘滯之性互相蘊結則大腸之氣亦因之而呆大腸之氣既呆而裏急後重之勢因之而見則下注紅白之症由此而成矣此入秋暑濕合邪之爲痢也客曰春夏冬三時之痢何氣使然曰有內成也有外感也客曰內成之痢何也曰傷於食也經曰飲食不節起居不時者陰受之陰受之則入五臟入五臟則填滿閉塞久爲腸癖此傷食內成之痢也客曰外感之痢何也曰六淫之邪化熱皆能爲痢也勢必兼濕而後成以濕有凝滯之性故也客曰痢有下紅下白之分何也曰下白者邪傷於氣也或以爲濕勝故也下紅者邪傷於血也或以爲熱勝之故客曰其傷氣傷血者可知其吉凶乎曰經云下白沫者脉沉則生脉浮則死客曰何故曰陰精已

竭謂之孤陽脉見孤陽焉有生理客曰下紅者何也曰經言腸癰便血者身熱則死寒則生也客曰何也曰身熱者陽燿陰也今以陰血既虧之質安能耐陽之燿乎故知其必死也明矣客曰身不熱脉不浮者治之奈何曰經謂其在下者引而竭之熱者清之結者散之客曰散之清之何以曰敗毒散白頭翁湯以及芩荷引竭煎皆可酌用也客曰嘗聞有用大黃推蕩之法有諸曰方書中有此一法並云久痢不愈者宜之然亦知久痢之後氣血兩虛大黃乃直悍之性有將軍之名或一旦輕投於血氣衰微之時縱使取效較速究是行險僥倖已非王道中法正如經中所云飛鴻亦冲於天又曰妄治時愈愚心自得客曰何謂也曰蓋謂飛鴻亦嘗能冲於天然未必能常冲於

天也妄治未嘗不有時而愈而未必能常倖而愈也其愚心猶不知是出於行險僥倖而竟居然自得之不疑也司人命者豈可以行險爲捷徑哉

喘

客問曰肺使人喘何也曰方書中稱肺爲嬌臟故易受邪也客曰何也曰經謂肺主氣節又曰百病生於氣也故易受邪而易致喘也客曰何氣使之爲喘也曰有內因外因之不同也內因者臟腑之氣上逆也外因者六淫之侵害也客曰有六淫之侵害前已聞之矣而各經之氣逆何如曰有胃逆之喘有胃實之喘有陰虛之喘有肺胃合

邪之喘有因水之喘客曰何以別之曰審其人之得卧與不得卧喘之有無音能行與不能行自可以知也客曰願盡聞其故曰因於胃逆者不得安卧息則有音也曰何也曰經云三陽之脉下行今逆而上行故息有音也下經曰胃不和則卧不安故知喘由於胃之逆也其胃實者則不得卧而息無音也客曰何以見之曰經云陽明主肌肉熱甚於肌肉故不得卧也然以經氣不逆則息無音也故知喘由於胃實也其陰虛者雖喘得卧也曰何也曰經云陰氣虛故得卧行而勞其四支則虛陽上逆肺苦氣上逆是以喘也其胃與肺合邪爲喘者不得卧並不能行也客曰何也曰經言邪居於肺則肺布葉舉故不得卧又云陽明之脉行於足陽明虛則水穀之氣居之令足重

而不能行肺脉循胃口胃中水穀之邪循經上逆於肺故知其喘由於肺胃合邪也其因水爲喘者不得卧卧則喘也客曰何故曰經謂夫水者循津液而流也腎者水臟主津液與卧與喘也故知其喘由水氣之客也客曰外因者何以治之曰經云其在上者因而越之曰內因之氣逆何以爲治也曰經云各因其經而刺之逆者降之平胃散之類是也實者瀉之熱者寒之客曰如陰虛者之喘何以治之曰固攝腎氣則肺金斯甯也沉香丸主之其肺胃合邪之喘爲折其鬱氣調其中州客曰水之爲喘者何以治之曰客者除之行其水則喘斯止也五皮飲葶藶大棗湯及裴氏治水方皆可酌用也

癲狂

客問曰癲狂一症何氣使然曰方書中云有二症主治不同不可同言共語等量齊觀也以爲癲者靜則獨言笑語而狂者動則登高而歌也考其致病之由不外陰陽相并之故客曰何以謂之陰陽相并也曰致病之由亦非一端也客曰願聞其故曰有由傷寒熱厥而得者有由惱怒肝逆而得者有由於母腹中而得者致病之由故非一端也曰得之於傷寒者何也曰夫人之傷於寒也則病熱經曰熱甚於身則棄衣欲走也甚則使人狂言罵詈不避親疎而歌也此因傷寒熱厥而爲癲疾也客曰其惱怒肝逆者何也曰肝爲將軍之官在志爲怒喜則氣緩怒則氣逆經曰陽明常動巨陽少陽不動不動而

動大疾此其候也客曰何謂也曰是三陽并至陽盛之象也故由癲而狂經謂木發而毀折卽此義也客曰有病癲狂者其得之於在母腹中者可信乎曰經謂其母有所大驚氣上而不下精氣并居故令子發癲疾也名曰胎病客曰有善笑者有善悲者有善怒者有善畏者有善恐者其所發之病狀各有不同何也曰陽搏之爲疾亦精氣之并也五臟之所屬不同其所發亦各有異也經曰精氣并於心則喜并於肺則悲并於肝則怒并於脾則畏并於腎則恐此所謂五并者也曰癲狂之吉凶何如曰有內因外因之不同診於脉自可知也曰何以別之曰外因者脉宜虛小不宜實大也曰何以見之曰經謂虛則可治實則死蓋謂脉虛則邪微脉實則邪盛也故知脉虛者吉

脉盛者凶曰其內因之脉何如曰血氣盛則吉血氣衰則凶曰又何
以見之曰經謂脉搏大滑久自已脉小堅急死不治曰何謂也曰脉
搏大滑是血氣盛而脉流利也故吉如脉見小堅急爲肝之眞臟也
脉見眞臟胃已失其冲和故凶客曰各何以主治乎曰如傷寒之熱
厥是陽氣并於陽明也白虎湯及犀角地黄湯之類主之其由肝逆
而得者是陽盡在上而陰氣從下經曰奪其食卽已曰奪其食何也
曰蓋水穀之氣悍防其助陽也以胃爲三陽之衝會也又曰使之服
以生鐵洛爲飲夫生鐵洛者下氣疾也亦取其木得金而伐之義也
客曰胎病者治之奈何曰先折其鬱氣如逍遙散滾痰丸之類主之
後滋其化源大補温味主之此治癲狂之大體也

痿

客問曰肺之爲痿者何也曰有脉痿有筋痿有肉痿有骨痿非獨肺然也方書中雖立有肺痿之名而經中不過謂肺熱葉焦是也客曰何氣使然也曰致病之由亦非一端也或得之於熱病之後或因臟腑之火上炎或傷於暢飲美酒或傷於飲大辛大熱之湯劑重亡其肺津以致肺葉枯槁痿而不用也經曰肺者臟之長爲心之蓋也有所失亡所求不得則發肺鳴肺鳴則肺熱葉焦乃生痿躄此肺痿之所由成也客曰脉何爲而痿也曰脉者常藉營血以榮潤也營血不足則脉必不仁經曰大經空虛發爲肌痺傳爲脉痿此之謂也曰所